

Melissen Wasser.

Das Wasser ist zu allen obgenannten Presten nutz vnd gut / fürnemlich das Hirn vnd den Magen zu stärcken des Abends ein Trüncklein gethan / so man will schlaffen gehen.

Erdbeerkraut.



ERDBEEREN
seind kalt vnd
feucht / im drit-
ten Grad / auch
an dem Kraut. Ist
ein gut Badkraut
für den Stein / vnd
Lendenwehe / vnden
aufgebähet / vnd dar-
nach mit Dialthea ꝑ.
Loth / Honig ein halb
Loth / vnd Wachs ein
Quintlein vnder eins
ander vermischet / mit
dieser Salben ges-
chmieret / treibet auß
verharte Materien /
vnd macht wol Hars-
nen. Die Frucht / bes-

nimpt vnnatürliche Hitz / denen die von Natur heiß
vnd trucken seind / bringet denselbigen Kühlung vnd
Feuchung.

Erdbeer Wasser.

Erdbeeren von den hohen Wäldern seind die bes-
sten / so sie zeitig seind. Disß Wasser Morgens
vnd Abends getruncken auff vier Loth / ist gut für
Zusatz / reiniget das Geblüt / mit Wein getruncken /
oder sonst gessen mit Brodt / vertreibet auch vnreine

Von allerhand Arzney/

Raud vom Leib / gut zur Lebern/ für die Gelbsucht/
macht weit vmb die Brust / kräftiget das Hertz / rei-
niget das Geblüt / ist gut für den Stein der Lenden/
Nieren vnd Blasen / für das Essen im Mund der Käs-
en / für den stinckenden Mund / den Mund damit ge-
wäschen. Getruncken / reiniget die Frauen / vnd brins-
get ihre Kranckheit. Seiler Wunden / getruncken vnd
damit gewaschen / vertreibt auch das ausszügige An-
gesicht.

Erdtbeerkraut Wasser.

Mitten im Meyen distilliere es. Das getruncken
Morgens vnd Abends auff vier Loth / ist gut für die
Gelbsucht / machet weit vmb die Brust / reiniget die
Lung / ist gut für Aussätzigkeit / vnd in die bösen Aus-
gen gethan / vertreibt die röthe darinn.

Galgan.



GALGAN /
die Wurzel ist
heiß vnd trus-
cken im drit-
ten Grad / ist gut ge-
nügt zu allen Kranck-
heiten / die von Kälte
kommen.

Galgan stärckt den
Magen / vnd machet
wol dāwen / nimt dem
Magen den Schmer-
zen von Kälte / den ge-
sotten mit Wein / A-
bends vnd Morgens
getruncken.

Wer viel ohnmäch-
tig ist / vnd geneigt
zu dem